



Bájkkeavijssa NuorttaSálto

Várreiellem

Tæksta: Kitty Skapalen
Gávva: Erling Urheim
Járggálibme: Divte Media AS/
Adrian N. Mikkelsen



Ávos oassálasste várreskávlán Vuodnabadán. Glade deltakere på fjellskole i Hellmobotn.

■ Ávdep vahko lidjin birrusin guoktaláges tjoahken várreskávlán mij vibáj niellja biejeve ja gánná base-campa lij Vuodnabadán

Ulmme lij álgonn árrat ja viessot dálusj sijda láhkáj. Luondulasj bæjválasj dahkamuhá tjalmostahteduvvin, duola

dagu málestibme, muorajt tjoagget ja vies-sot dálusj sámij árbbedábij milta. Ja lij sierraláhkáj suohtas gá nav moadda máná

aktan æjgáda lidjin skávláj diededam. Kalle Urheim Urheim Kunst & Håndverkas ja Elena Paulsen aktan Divtasvuona suohkanijn jádedin skávláv ja oassálasstema hárráj vuojnnet állesjattuga ja máná dasi lijkkujin.

- Lev riek dudálasj tjadádimeijn vájku ejma asta divna majt lijma usjudallam. Lågenanaktse jage li gállám dallutjis gá dákkir várreskávlá ávdep bále ásaduváj ja doajvov máhtta sjaddat jahkásasj ásadus, javlla Urheim.

Prosjæktaj galggá álkke sæbrrat gå ij dárbaaha sámegiela buktet ja iesjmáksu lij dássju guhtik 300 kr. Divtasvuona suohkan ájggu sámegiela nannit ja ávddánahttet suohkanin, sjiehtadusáj baktu bájkálasj oassálasstij.

- Váren le luondulasj arena sámástittjat ja oahppat sámie iellema birra, Urheima mielas, guhti riek mánájs alvaduváj gá nav álov sámástin.

- Oassálasste bæjvádagán vásedin, gáktu gámán viessot ja dahkamuháj dagu luondo biebmot málestit, muorajt tjoagget, gejnudagájt gávnat, rádjánisvuodav ja duodden dálkkáj gárvedit.

- Dájt biejiht lij ienemus oassáj tjáppa dálkke, valla váren tjuossku ijájt ja dasi de gárvedijma, javlla Urheim.

Guollim ja subtsastallam lij aj oassen skávlás ja ávddánbuktin aj gáktu dálen sjattojt adnin. Kárta ja kompássa lidjin aj anon ja oahpásmuvvin aj sámie

luonndo gávvidimeijn. Mikal Urheim (81) aj sebradij ja subtsastij duola dagu makkir sebmula aneduvvin rappsan állu dálen, gáktu jágán vájaldit ja nav vijddábut. Sån lij buorre viehken ávddánbuvtájt julevsámegiela, árbbedábij ja árbbediejojt. Nuoramus oassálasste lij bielnupe jagák ja vuorrasamos gáktalákakta, ja dajnas de hieba juohkkahattaj. Gá lidjin lávdagoaden ja teltan idjadam, guollim ja sámie biebmot málestam, de sjattaj váren viessot muhtem biejev sihke mánájda ja állesjattugijda sámievuoda nannidussan ja diedulattjan dagáj.



Karoline suojni. Karoline med sennagress.



Vi lærte å lage sámegáhkko på helle.